

咸甯縣志

卷首

同治丙寅年重修

卷之四

淦川書院刊訂

世宗憲皇帝御製

聖祖廣訓序

書曰每歲孟春道人以木鐸徇於路記曰司徒修六禮以節民性明七教以興民德此皆以敦本崇實之道爲牖民覺世之模法莫良焉意莫厚焉我

聖祖仁皇帝久道化成德洋恩普仁育萬物義正萬民六十年來宵衣旰食祇期薄海內外興仁講讓革薄從忠共成親遜之風永享昇平之治故

特頒上諭十六條曉諭八旗及直省兵民人等自綱常名教之際以至於畊業作息之間本末精粗公私鉅細凡民情之所

聖諭廣訓

咸甯縣志

卷首

一

習皆

睿慮之所周視爾編氓誠如赤子

聖有謨訓明徵定保萬世守之莫能易也朕纘承大統臨御兆人以

聖祖之心爲心以

聖祖之政爲政夙夜黽勉率由舊章惟恐小民遵信奉行久而或怠用申誥誠以示提攜謹將

上諭十六條尋繹至義推衍其文共得萬言名曰

聖諭廣訓旁徵遠引往復周詳意取顯明語多直樸無非奉

先志以啟後人使羣黎百姓家諭而戶曉也願爾兵民等仰體

聖祖正德厚生之至意勿視爲條教號令之虛文共勉爲謹身節用之庶人盡除夫浮薄囂凌之陋習則風俗淳厚家室和平在朝廷德化樂觀其成爾後嗣子孫並受其福積善之家必有餘慶其理豈或爽哉

聖諭十六條

- 第一條敦孝弟以重人倫
- 第二條篤宗族以昭雍睦
- 第三條和鄉黨以息爭訟
- 第四條重農桑以足衣食
- 第五條尚節儉以惜財用

聖諭廣訓

咸甯縣志

一一

- 第六條隆學校以端士習
- 第七條黜異端以崇正學
- 第八條講法律以儆愚頑
- 第九條明禮讓以厚風俗
- 第十條務本業以定民志
- 第十一條訓子弟以禁非爲
- 第十二條息誣告以全善良
- 第十三條誠窩逃以免株連
- 第十四條完錢糧以省催科
- 第十五條聯保甲以弭盜賊

第十六條解仇忿以重身命

聖諭第一條

敦孝弟以重人倫

我

聖祖仁皇帝臨御六十一年法

祖尊

親孝思不匱

欽定孝經衍義一書衍釋經文義理詳貫無非孝治天下之意故聖諭十六條首以孝弟開其端朕丕承鴻業追維

往訓推廣立教之思先申孝弟之義用是與爾兵民人等宣示之

聖諭廣訓

咸甯縣志

三

夫孝者天之經地之義民之行也人不知孝父母獨不思父母愛子之心乎方其未離懷抱饑不能自哺寒不能自衣爲父母者審聲音察形色笑則爲之喜啼則爲之憂行動則跬步不離疾痛則寢食俱廢以養以教至於成人復爲授家室謀生理百計經營心力俱瘁父母之德實同昊天罔極子欲報親恩於萬一自當內盡其心外竭其力謹身節用以勤服勞以隆孝養母博弈飲酒母好勇鬪狠毋好貨財私妻子縱使儀文未備而誠慤有餘推而廣之如曾子所謂居處不莊非孝事君不忠非孝蒞官不敬非孝朋友不信非孝戰陣無勇非孝皆孝子分內之事也至若

父有冢子稱曰家督弟有伯兄尊曰家長凡日用出入事無大小衆子弟皆當咨稟焉飲食必讓語言必順步趨必徐行坐立必居下凡以明弟道也夫十年以長則兄事之五年以長則肩隨之况同氣之人乎故不孝與不弟相因事親與事長並重能爲孝子然後能爲悌弟能爲孝子悌弟然後在田野爲循良之民在行間爲忠勇之士爾兵民亦知爲子當孝爲弟當悌所患習焉不察致自離於人倫之外若能痛自愧悔出於心之至誠竭其力之當盡由一念孝弟積而至於念念皆然勿尚虛文勿略細行勿沽名而市譽勿勤始而怠終孝弟之道庶克敦矣夫不孝不弟

聖諭廣訓

咸甯縣志

四

國有常刑然顯然之迹刑所能防隱然之地法所難及設罔知愧悔自陷匪僻朕心深爲不忍故丁寧告誡庶爾兵民咸體朕意感發興起各盡子弟之職於戲聖人之德本於人倫堯舜之道不外孝弟孟子曰人人親其親長其長而天下平爾兵氏其母視爲具文焉

聖諭第二條

篤宗族以昭雍睦

書曰以親九族九族旣睦是帝堯首以睦族示教也禮曰尊祖故敬宗敬宗故收族明人道必以睦族爲重也夫家之有宗族猶水之有分派木之有分枝雖遠近異勢疏密

異形安其本源則一故人之待其宗族也必如身之有四肢百體務使血脉相通而疴癢相關周禮本此意以教民著爲六行曰孝曰友而繼曰睦誠古今不易之常道也我聖祖仁皇帝旣諭爾等敦孝弟以重人倫卽繼之曰篤宗族以昭雍睦蓋宗族由人倫而推雍睦未昭卽孝弟有所未盡朕爲爾兵民詳訓之大抵宗族所以不篤者或富者多吝而無解推之德或貧者多求而生缺望之思或以貴凌賤而勢利汨其天親或以賤驕人而忿傲施於骨肉或貨財相競不念祖先之情或意見偶乖頓失宗親之義或偏聽妻孥之淺識或誤中讒慝之虛詞因而詬誶傾排無所不至

聖諭廣訓

咸甯縣志

五

非惟不知雍睦抑且忘爲宗族矣爾兵民獨不思子姓之衆皆出祖宗一人之身奈何以一人之身分爲子姓遽相視爲塗人而不顧哉昔張公藝九世同居江州陳氏七百日共食凡屬一家一姓當念乃祖乃宗甯厚母薄甯親母疏長幼必以序相洽尊卑必以分相聯喜則相慶以結其綢繆戚則相憐以通其緩急立家廟以薦蒸嘗設家塾以課子弟置義田以贍貧乏修族譜以聯疏遠卽卑姓寒門或有未逮亦各隨其力所能爲以自篤其親屬誠使一姓之中秩然藹然父與父言慈子與子言孝兄與兄言友弟與弟言恭雍睦昭而孝友之行愈敦有司表爲仁里君子

稱爲義門天下推爲望族豈不美哉若以小故而隳宗支以微嫌而傷親愛以侮慢而遠遜讓之風以偷薄而虧敦睦之誼古道之不存卽爲國典所不恕爾兵民其交相勸勵共體祖宗慈愛之心常切水木本源之念將見親睦之俗成於一鄉一邑雍和之氣達於薄海內外諸福咸臻太平有象胥在是矣可不勗歟

聖諭第三條

和鄉黨以息爭訟

古者五族爲黨五州爲鄉睦婣任恤之教由來尚矣顧鄉黨中生齒日繁比閭相接睚眦小失狎昵微嫌一或不誠

聖諭廣訓

咸甯縣志

六

凌競以起遂至屈辱公庭委身法吏負者自覺無顏勝者人皆側目以里巷之近而舉動相猜報復相尋何以爲安生業長子孫之計哉

聖祖仁皇帝憫人心之好競思化理之貴淳特布訓於鄉黨曰和所以息爭訟於未萌也朕欲誠和萬民用是申告爾等以敦和之道焉詩曰民之失德乾餱以愆言不和之漸起於細微也易訟之象曰君子以作事謀始言息訟貴絕其端也是故人有親疏概接之以溫厚事無大小皆處之以謙冲母恃富以侮貧母挾貴以凌賤毋飾智以欺愚母倚強以凌弱談言可以解紛施德不必望報人有不及當以情

恕非意相干當以理遣此既有包荒之度彼必生愧悔之心一朝能忍鄉里稱爲善良小忿不爭間黨推其長厚鄉黨之和其益大矣古云非宅是卜惟鄰是卜緩急可恃莫如鄉鄰務使一鄉之中父老子弟聯爲一體安樂憂患視同一家農商相資工賈相讓則民與民和訓練相習汛守相助則兵與兵和兵出力以衛民民務養其力民出財以贍兵兵務恤其財則兵與民交相和由是而簞食豆羹爭端不起鼠牙雀角速訟無因豈至結怨耗財廢時失業甚且破產流離以身殉法而不悟哉若夫巨室耆年鄉黨之望膠庠髦士鄉黨之英宜以和輯之風爲一方表率而奸頑好事之徒或詭計挑唆或橫行嚇詐或貌爲洽比以煽誘或假托公言而把持有一於此里閭靡甯鄉論不容國法具在爾兵民所當謹凜者也夫天下者鄉黨之積也爾等誠遵

聖祖之懿訓尚親睦之淳風孝弟因此而益敦宗族因此而益篤里仁爲美比戶可封訟息人安延及世世協和徧於萬邦太和蒸於宇宙朕與爾兵民永是賴焉

聖諭第四條

重農桑以足衣食

朕聞養民之本在於衣食農桑者衣食所由出也一夫不

耕或受之饑一女不織或受之寒古者天子親耕后親桑躬爲至尊不憚勤勞爲天下倡凡爲兆姓圖其本也夫衣食之道生於地長於時而聚於力本務所在稍不自力生受其困故勤則男有餘粟女有餘帛不勤則仰不足事父母俯不足畜妻子其理然也彼南北地土雖有高下燥濕之殊然高燥者宜黍稷下濕者宜秔稻食之所出不同其爲農事一也樹桑養蠶除江浙四川湖北外餘省多不相宜然植麻種棉或績或紡衣之所出不同其事與樹桑一也願吾民盡力農桑勿好逸惡勞勿始勤終惰勿因天時偶歉而輕棄田園勿慕奇贏倍利而輒改故業苟能重本務雖一歲所入公私輸用而外羨餘無幾而日積月累以至身家饒裕子孫世守則利賴無窮不然而舍本逐末豈能若是之綿遠乎至爾兵隸在戎伍不事農桑試思月有分給之餉倉有支放之米皆百姓輸□以散給爾等各贍身家一絲一粒莫不出自農桑爾等既享其利當彼此相安多方捍衛使農桑俱得盡力爾輩衣食永遠不匱則亦重有賴焉若地方文武官僚俱有勸課之責勿奪民時勿妨民事浮惰者懲之勤苦者勞之務使野無曠土邑無游民農無舍其耒耜婦無休其蠶織卽至山澤園圃之利雞豚狗彘之畜亦皆養之有道取之有時以佐農桑之不逮

庶幾克勤本業而衣食之源溥矣所慮年穀豐登或忽於儲蓄布帛充贍或侈於費用不儉之弊與不勤等甚且貴金玉而忽菽粟工文繡而廢蠶桑相率爲紛華靡麗之習尤爾兵民所當深戒者也自古盛王之世老者衣帛食肉黎民不饑不寒享庶富之盛而致教化之興其道胥由乎此

聖祖仁皇帝念切民依嘗刊耕織圖頒行中外所以敦本阜民者甚至朕仰惟

聖諭念民事之至重廣爲詮解勸爾等力於本務余一人衣租食稅願與天下共飽煖也

聖諭廣訓

咸甯縣志

九

聖諭第五條

尚節儉以惜財用

人生不能一日而無用卽不可一日而無財然必留有餘之財而後可供不時之用故節儉尚焉夫財猶水也節儉猶水之蓄也水之流不蓄則一洩無餘而水立涸矣財之流不節則用之無度而財立匱矣我

聖祖仁皇帝躬行節儉爲天下先休養生息海內殷富猶兢兢以惜財用示訓蓋自古民風皆貴乎勤儉然勤而不儉則十夫之力不足供一夫之用積歲所藏不足供一日之需其害爲更甚也夫兵丁錢糧有一定之數乃不知撙節衣好

鮮麗食求甘美一月費數月之糧甚至稱貸以遂其欲子
母相權日復一日債深累重饑寒不免農民當豐收之年
倉箱充實本可積蓄乃酬酢往來率多浮費遂至空虛夫
豐年尚至空虛荒歉必至窮困亦其勢然也似此之人國
家未嘗減其一日之糧天地未嘗不與以自然之利究至
啼饑號寒困苦無告者皆不節儉所致更或祖宗勤苦儉
約日積月累以致充裕子孫承其遺業不知物力艱難任
意奢侈誇耀里黨稍不如人卽以爲恥曾不轉盼遺產立
盡無以自存求如貧者之子孫並不可得於是寡廉鮮恥
靡所不至弱者餓殍溝壑強者作慝犯刑不儉之害一至
兵民當凜遵

聖諭廣訓

咸甯縣志

十

聖諭繹思不忘爲兵者知月糧有定與其至不足而冀格外之賞
孰若留有餘以待可繼之糧爲民者知豐歉無常與其但
顧朝夕知貧窶之可憂孰若留貯將來爲水旱之有備大
抵儉爲美德甯以固陋貽譏禮貴得中勿以驕盈致敗衣
服不可過華飲食不可無節冠昏喪祭各安本分房屋器
具務取素樸卽歲時伏臘斗酒娛賓從俗從宜歸於約省
爲天地惜物力爲朝廷惜恩膏爲祖宗惜往日之勤勞爲
子孫惜後來之福澤自此富者不至於貧貧者可至於富

安居樂業含哺鼓腹以副朕阜俗誠民之至意孝經有曰
謹身節用以養父母此庶人之孝也爾兵民其身體而力
行之

聖諭第六條

隆學校以端士習

古者家有塾黨有庠州有序國有學固無人不在所教之
中專其督率之地董以師儒之官所以成人材而厚風俗
合秀頑強懦使之歸於一致也

聖祖仁皇帝壽考作人特隆學校凡所以養士之恩教士之法無
不備至蓋以士爲四民之首人之所以待士者重則士之

聖諭廣訓

咸甯縣志

十一

所以自待者益不可輕士習端而後鄉黨視爲儀型風俗
由之表率務令以孝弟爲本材能爲末器識爲先文藝爲
後所讀者皆正書所交者皆正士確然於禮義之可守惕
然於廉恥之當存惟恐立身一敗致玷宮牆惟恐名譽雖
成負慚衾影如是斯可以爲士否或躁競功利干犯名教
習乎異端曲學而不知大道驚乎放言高論而不事躬行
問其名則是考其實則非矣昔胡瑗爲教授學者濟濟有
成文翁治蜀中子弟由是大化故廣文一官朕特飭吏部
悉以孝廉明經補用凡以爲興賢育才化民成俗計也然
學校之隆固在司教者有整齊嚴肅之規尤在爲士者有

愛惜身名之意士品果端而後發爲文章非空虛之論見之施爲非浮薄之行在野不愧名儒者在國卽爲良臣所係顧不重哉至於爾兵民恐不知學校之爲重且以爲與爾等無與不思身雖不列於庠序性豈自外於倫常孟子曰謹庠序之教申之以孝弟之義又曰人倫明於上小民親於下則學校不獨所以教士兼所以教民若黌宮之中文武並列雖經義韜略所習者不同而入孝出弟人人所當共由也士農不異業力田者悉能敦本務實則農亦士也兵民無異學卽戎者皆知敬長愛親則兵亦士也然則庠序者非爾兵民所當隆重者乎端人正士者非爾兵民所當則效者乎孰不有君臣父子之倫孰不有仁義禮智之性勿謂學校之設止以爲士各宜以善相勸以過相規向風慕義勉爲良善則氓之蚩蚩亦可以禮義爲耕耘起起武夫亦可以詩書爲甲冑一道同風之盛將復見於今日矣

聖諭廣訓

咸甯縣志

十二

聖諭第七條

黜異端以崇正學

朕惟欲厚風俗先正人心欲正人心先端學術夫人受天地之中以生惟此倫常日用之道爲智愚之所共由索隱行怪聖賢不取易言蒙以養正聖功以之書言無偏無陂

無反無側王道以之聖功王道悉本正學至於非聖之書不經之典驚世駭俗紛紛藉藉起而爲民物之蠹者皆爲異端所宜屏絕凡爾兵民誠謹淳樸者固多間或迷於他岐以無知而罹罪戾朕甚憫之自古三教流傳儒宗而外厥有仙釋朱子曰釋氏之教都不管天地四方只是理會一個心老氏之教只是要存得一個神氣此朱子持平之言可知釋道之本指矣自游食無藉之輩陰竊其名以壞其術大率假災祥禍福之事以售其誕幻無稽之談始則誘取資財以圖肥己漸至男女混淆聚衆爲燒香之會農工廢業相逢多語恠之人又其甚者奸回邪慝竄伏其中

聖諭廣訓

咸甯縣志

十三

樹黨結盟夜聚曉散干名犯義惑世誣民及一旦發覺徵捕株連身陷囹圄累及妻子教主已爲罪魁福緣且爲禍本如白蓮聞香等教皆前車之鑒也又如西洋教宗天主亦屬不經因其人通曉歷數故國家用之爾等不可不知也夫左道惑衆律所不宥師巫邪術邦有常刑朝廷立法之意無非禁民爲非導民爲善黜邪崇正去危就安爾兵民以父母之身生太平無事之日衣食有賴俯仰無憂而顧昧恆性而卽匪彝犯王章而干國憲不亦愚之甚哉我聖祖仁皇帝漸民以仁摩民以義藝極陳常煌煌大訓所以爲世道人心計者至深遠矣爾兵民亦仰體

聖心祇遵

聖教擯斥異端直如盜賊水火且水火盜賊害止及身異端之害
害及人心心之本體有正無邪苟有主持自然不惑將見
品行端方諸邪不能勝正家庭和順遇難可以成祥事親
孝事君忠盡人事者卽足以集天庥不求非分不作非爲
敦本業者卽可以迓神慶爾服爾耕爾講爾武安布帛菽
粟之常遵蕩平正直之化則異端不待驅而自息矣

聖諭第八條

講法律以儆愚頑

法律者帝王不得已而用之也法有深意律本人情明其
意達其情則囹圄可空訟獄可息故懲創於已然不如警
惕於未然之爲得也周禮州長黨正族師皆於月吉屬其
民而讀法大司寇懸象刑之法於象魏使萬民觀之知所
向方今國家酌定律例委曲詳明昭示兵民俾各凜成憲
遠於罪戾意甚厚也

聖諭廣訓

咸甯縣志

十四

聖祖仁皇帝深仁厚澤洽於兆民而於刑罰尤惓惓致意朕臨御
以來體好生之德施欽恤之恩屢頒赦款詳審爰書庶幾
大化翔洽刑期無刑又念爾爲民者生長草野習於顛蒙
爲兵者身隸戎行易逞強悍每至誤觸王章重干憲典因
之特申訓誡警醒愚頑爾等幸際昇平休養生息均宜循

分守禮以優游於化日舒長之世平居將頒行法律條分
縷析講明意義見法知懼觀律懷刑如知不孝不弟之律
自不敢爲蔑倫亂紀之行知鬪狠攘奪之律自不敢逞囂
凌強暴之氣知奸淫盜竊之律自有以遏其邪僻之心知
越訴誣告之律自有以革其健訟之習蓋法律千條萬緒
不過準情度理天理人情心所同具心存於情理之中身
必不陷於法律之內且爾兵民性縱愚頑或不能通曉理
義未必不愛惜身家試思一蹈法網百苦備嘗與其宛轉
呼號思避罪於箠楚之下何如洗心滌慮早悔過於清夜
之間與其傾貲蕩產求減毫末而國法究不能逃何如改
惡遷善不犯科條而身家可以長保倘不自警省偶罹於
法上辱父母下累妻孥鄉黨不我容宗族不我齒卽或邀
恩倖免而身敗行虧已不足比於人數追悔前非豈不晚
哉朕聞居家之道爲善最樂保身之策安分爲先勿以惡
小可爲有一惡卽有一法以相治勿以罪輕可玩有一罪
卽有一律以相懲惟時時以三尺自凜人人以五刑相規
懼法自不犯法畏刑自可免刑匪僻潛消爭競不作愚者
盡化爲智頑者悉變爲良民樂田疇兵安營伍用臻刑措
之治不難矣

聖諭廣訓

咸甯縣志

十五

聖諭第九條

明禮讓以厚風俗

漢儒有曰凡民函五常之性而其剛柔緩急音聲不同繫水土之風氣故謂之風好惡取舍動靜無恆隨厥情欲故謂之俗其間淳漓厚薄難以強同奢儉質文不能一致是以聖人制爲禮以齊之孔子曰安上治民莫善於禮蓋禮爲天地之經萬物之序其體至大其用至廣道德仁義非禮不成尊卑貴賤非禮不定冠昏喪祭非禮不備郊廟燕享非禮不行是知禮也者風俗之原也然禮之用貴於和而禮之實存乎讓子曰能以禮讓爲國乎何有又曰先之以禮讓而民不爭使徒習乎繁文縟節而無實意以將之

聖諭廣訓

咸甯縣志

十六

則所謂禮者適足以表其浮僞滋其文飾矣夫禮之節文爾兵民或未盡習禮之實意爾兵民皆所自具卽如事父母則當孝養事長上則當恭順夫婦之有倡隨兄弟之有友愛朋友之有信義親族之有欵洽此卽爾心自有之禮讓不待外求而得者也誠能和以處衆卑以自牧在家庭而父子兄弟底於肅雍在鄉黨而長幼老弱歸於親睦母犯囂凌之戒母蹈縱恣之愆母肆一念之貪遂成攘奪母逞一時之忿致起紛爭母因貧富異形有輕視之意母見強弱異勢起迫脅之心各戒澆漓共歸長厚則循於禮者無悖行敦於讓者無兢心藹然有恩秩然有義黨庠術序

相率爲俊良農工商賈不失爲淳樸卽韜鈴介冑之士亦被服禮樂詩書以潛消其剽悍桀驁豈非太和之氣大順之徵乎書曰謙受益滿招損古語又曰終身讓路不枉百步終身讓畔不失一段可知禮讓之有得而無失也如此朕願爾兵民等聆

聖祖之訓而返求之於心身爾能和其心以待人則不和者自化爾能平其心以接物則不平者亦孚一人倡之衆人從之一家行之一里效之由近以及於遠由勉以至於安漸仁摩義俗厚風淳庶不負諄諄誥誥之意哉

聖諭第十條

聖諭廣訓

咸甯縣志

十七

務本業以定民志

朕惟上天生民必各付一業使爲立身之本故人之生雖智愚不同強弱異等莫不擇一業以白處居此業者皆有本分當爲之事藉以有利於身藉以有用於世幼而習焉長而安焉不見異物而遷焉此孟子之所謂恒產卽

聖祖仁皇帝之所謂本業也維茲本業實爲先務凡爲士農爲工商以及軍伍業雖不同而務所當務則同也夫身之所習爲業心之所向爲志所習旣專則所向自定書曰功崇惟志業廣惟勤蓋業與志本相須而成也但恐日久而生厭舍舊而圖新或爲浮言所動或因際遇未通一念游移半

途而廢作非分之營求生意外之妄想究之朝夕營營不恆其德資生寡策歷久無成而志遂以荒而業遂以廢矣夫業每荒於嬉而必精於勤志貴奮於始而尤勵於終朕樂觀爾之成不忍見爾之廢也爲士者謹身修行矻矻窮年服習詩書敦崇禮讓退爲有本之學進爲有用之才爲農者春耕秋斂不失其時樽節愛養不愆於度先時以備水旱如期而輸稅糧使地無餘利人無餘力工則審四時飭六材日省而月試居肆而事成商則通有無權貴賤交易而退各得其所務體公平勿蹈欺詐若夫身列行陣行陣卽其業也弓馬騎射操練之必精步伐止齊演習之必

聖諭廣訓

咸甯縣志

十八

熟屯田則事墾闢守汛則嚴刁斗備邊則險要之宜知防海則風濤之宜悉庶幾無負本業矣天天下無易成之業而亦無不可成之業各守乃業則業無不成各安其志則志無旁騖母相侵擾母敢怠荒甯習於勤劬勿貪夫逸樂甯安於樸守勿事乎紛華熙熙然士食舊德農服先疇工利器用商通貨財兵資捍衛各盡乃職各世其業上以繼祖宗之傳下以綿子孫之緒富庶豐亨遊於光天化日之下仰答

聖祖誥誡之殷懷以克副朕休養之至意顧不共享其福歟

聖諭第十一條

訓子弟以禁非爲

從來教萬民訓子弟黨正族師月吉讀法歲時校比師田行役則合卒伍而簡兵器朝夕誥誡人知自愛不敢偶蹈於非休哉何風之隆歟我

聖祖仁皇帝臨御六十一年弘保赤之仁廣教家之治深恩厚澤休養生息以至於今朕纘承大統仰體

聖祖子惠元元之心無日不以爾百姓爲念尤無日不以爾百姓之子弟爲念也人生十年曰幼學二十日弱冠血氣未定知識漸開訓道懲戒之方莫切於此大凡子弟之率不謹皆由父兄之教不先所恃爲父兄者啟其德性遏其邪心

聖諭廣訓

咸甯縣志

十九

廣其器識謹其嗜好至於愛親敬長之念人所固有爾父兄誠能明示其訓俾知父子有親君臣有義夫婦有別長幼有序朋友有信以端其本則大倫明而干紀犯分之咎自鮮矣夫士農工商各有傳業軍世之家世習技勇其人之淑慝邪正必自爲子弟之日始語云少成若天性習慣成自然民間非爲之事漸漬成風或游手好閒博奕飲酒或結納匪類放肆邪侈往往陷溺而不悟甚者罹法網犯刑章爾爲父兄者獨能晏然而已乎典其追悔於事後孰若嚴訓於平時蓋行莫重於孝弟力田心必存乎禮義廉恥可模可範以身教之耳提面命以言教之使子弟見聞

日熟循蹈規矩之中久之心地淳良行止端重可以寡過而保家卽可以進德而成材也且庭訓素嫻子弟克肖則國家賓興令典自致顯揚旣光大爾門閭又垂裕爾後昆父兄俱與有榮焉卽使愚魯不敏而服教安化刑辱不及於厥躬鄉黨咸稱爲良士一家之休祥孰大於是況今日之子弟又爲將來之父兄積善相承誨迪不倦將見戶興禮讓人敦孝義自通都大邑以至窮鄉僻壤太平之象與國俱長庶不虛朕殷殷期勗之至意矣夫好善則閭閻子弟可致尊榮苟不善則公卿子弟流爲貧賤義方之教切磋之功可不豫嚴於蒙穉之年乎爾兵民其敬聽之母忽

聖諭廣訓

咸甯縣志

二十

聖諭第十二條

息誣告以全善良

國家之立法所以懲不善而儆無良豈反爲奸民開訐告之路而令善良受傾陷之害哉夫人必有切膚之冤非可以理遣情恕者於是鳴於官以求申理此告之所由來也乃有奸宄不法之徒好事舞文陰謀肆毒或捏虛以成實或借徑以生波或設計以報宿嫌或移禍以卸己罪顛倒是非混淆曲直往往飾沉寃負痛之詞逞射影捕風之術更有教唆詞訟者以刀筆爲生涯視訟獄爲兒戲深文以冀其巧中搆釁而圖其重酬鄉里畏之名曰訟師因而朋

比協謀黨惡互證有司或一時受蔽致使善良之輩不能
自白桁楊在前箠楚在後鍛鍊之下何求不得縱至事明
冤雪而拖累困苦小則廢時失業大則蕩產破家善良之
被誣可憫而究頑之誣善良尤可痛恨也

聖祖仁皇帝矜恤下民重懲其弊

頒示訓諭有曰息誣告以全善良夫誣告有反坐之條令甲煌煌
乃敢作奸犯科而不畏者利慾薰心澆薄成性方且恣其
含沙之毒僥倖於法網之寬殊不知無情之辭一經審察
莫可逃避造釁以傾人究之布阱以自陷亦何利之有嘗
聞古人或認牛而不辯或奪禾而不爭卒開愧悔之誠翻
聖諭廣訓

咸甯縣志

廿一

成禮讓之俗若斯之風誠可嘉尚爾兵民所當景效焉且
尋繹

聖諭不曰禁而曰息謂與其治之以法不如感之使自化也蓋官
吏之見聞或疎疎則猶煩揣測鄉鄰之耳目最近近則素
所稔知爲之抉其根株窮其黨類出於無心者緩語以曉
之成於有意者危言以誡之彼善良之家素行足以質之
里閭而無愧而誣告之人言辭既非情實迫於公論則不
敢誣揆諸本心亦不忍誣凡前此之陰謀秘計一旦悚然
改悔如水消霧釋兵不誣兵而兵之善良者全民不誣民
而民之善良者全兵民不相爲誣而兵民舉全不至赴官

終訟兩造俱傷庶幾從風慕義胥天下而歸於無訟豈不
休哉尚其咸諭而凜遵焉

聖諭第十三條

誠窩逃以免株連

朕撫臨億兆合四海爲一家聯萬姓爲一體中外旗民本
無異視第以國初定制八旗人員在內則拱衛京師在外
則駐防各省如有不奉使令潛往他鄉者卽爲逃人例有
嚴禁逃人所至之地兵民人等不行覺察擅自容留者罪
並及之按匿逃情弊大約不外兩端凡在逃之人意氣言
辭必多巧飾爾等或受其欺妄不辯爲逃人而率意容留

聖諭廣訓

咸甯縣志

廿二

者有之或利其財物明知爲逃人而通同隱匿者有之夫
主僕之間乃大義所在逃人背主蔑義窩逃者黨不義而
藐王章逃者恃匿者以爲之藪也法安得恕故順治五年
之例窩逃者問擬大辟並籍其家鄰佑十家等皆徙邊遠
康熙十五年定例凡窩逃之正犯流徙尚陽堡兩鄰十家
長罪止杖徒此皆我

聖祖皇帝矜惜愚民罪疑惟輕故改從寬典也又屢年恩詔將逃
人事件概行赦免國家施法外之仁寬督捕之罰無非欲
爾兵民革薄從忠遷善改惡使蓬門葦戶出入優游共享
太平無事之福爾兵民等其仰體

聖祖告誡之慈懷與朕諄諭之至意謹身率教循禮奉公不交游
手無藉之徒不爲行險僥倖之事母狗私情而干國憲母
貪微利而忘身家如此則井里晏然四鄰安堵胥吏不擾
雞犬無驚而國家刑期無刑之化亦可以觀厥成矣倘因
法網既寬復蹈故轍營私受賄藏惡養奸自取其辜何能
曲宥况夫逃竄之人性既冥頑又無生理所爲種種不端
大而盜賊小而賭博一經發覺皆犯科條容留之家又安
能脫然事外不罹罪譴耶周易曰比之匪人不亦傷乎晏
子曰居必擇鄰所以避患也可知奸猾浮蕩之徒皆足爲
善良之累朕願爾等父誡其子兄誡其弟隊長誡其行伍

聖諭廣訓

咸甯縣志

廿三

鄉約誡其比閭祇奉訓辭各遠非義則地方甯謐俗厚風
淳又何患株連之偶及哉

聖諭第十四條

完錢糧以省催科

自昔畫野分州任土作貢而賦稅以興凡國之五禮百度
輸用出入皆賴焉此君所必需於民下所宜供於上古今
通義未之或改日以制官祿所以治我民以給兵餉所以
衛我民以備荒歉所以養我民取諸天下還爲天下用之
人主之倉廩府庫豈厲民而以自養耶我朝自定鼎以來
賦額悉準經制且橫徵私派一切革除未嘗絲毫多取於

民溯我

聖祖仁皇帝深恩厚澤豢養斯民六十餘年時以閭閻豐裕爲念所蠲免錢糧何止百千萬億遐邇之霑被固已淪肌浹髓矣夫緩徵薄斂加惠元元君之德也以下奉上先公後私民之職也屬在兵民宜喻此意勿惰而嬉荒其本業勿口而費耗其貲財勿逡巡觀望冀邀賜復之殊恩勿轉委輸將致被豪猾之中飽依限而納母待追呼然後以其所餘養父母畢婚嫁給朝夕供伏臘縣庭有卧治之官村巷無夜呼之吏俯仰無累妻孥晏然其爲安樂莫踰於此倘不知國課之當重國法之難寬或有意抗違或任情遲緩有

聖諭廣訓

咸甯縣志

廿四

司迫奏銷之限不得不嚴追比胥役受鞭撻之苦不得不肆誅求剝啄叩門多方需索無名之費或反浮於應納之數而究竟所未完者仍不能爲爾寬貸不知何樂而爲此夫供胥役之侵漁曷若輸朝廷之正供爲抗糧之頑戶曷若爲守法之良民人雖至愚亦必知之况乎上好仁而下好義情屬一體爾試思廟堂之上所日夜憂勞者在於民事水溢則爲防堤旱魃則爲虔禱蝗蝻則爲撲滅幸不成災則爾享其利不幸成災則又爲之蠲租爲之賑濟如此而爲民者尚忍逋賦以悞國需問之於心亦何以自安譬人子於父母分產授業以後必服勞奉養庶盡厥職乃父

母恩勤顧復不遺餘力而爲子者自私其財缺甘旨而違色養尚得謂之人子乎朕用是諄諄告誡但願爾兵民上念軍國下念身家外有效忠之名內受安享之實官不煩而吏不擾何樂如之爾兵民清夜自思其咸體朕意

聖諭第十五條

聯保甲以弭盜賊

從來安民在於弭盜摘發守禦之法必當先事而爲之備故緝捕有賞疎縱有罰諱盜有禁違限有條而最善者莫如保甲十家爲甲十甲爲保甲有長保有正設立簿冊交察互警此卽井田守望之遺制所以

聖諭廣訓

咸甯縣志

廿五

聖祖仁皇帝上諭曰聯保甲以弭盜賊誠欲使四海九州閭閻安堵澄本清源

聖慮實爲周切矣第恐遵行旣久遂至因循吏則徒稽戶籍民則僅置門牌而於聯比糾察之法未見實心奉行以至勾引窩藏之弊種種而生鄰舍失事竟有如秦越之相視富豪被劫反指爲悖出之當然甚且假公濟私藉盤詰之虛名滋無厭之誅求汛防因而騷擾胥役緣以生奸有保甲之名無保甲之實有保甲之累無保甲之益此盜賊之所以難弭也夫良法之有利於民在奉行之必求其實嗣後城市鄉村嚴行保甲每處各自分保每保各統十甲城以坊

分鄉以圖別排鄰北戶互相防閑一甲之中巨室大戶僮佃多至數百此內良否本戶自有責任若一廛一舍之散布村落者有業無業或良或否里正保正得以微窺於平素一出一入得以隱察其行踪遇有不務恆業羣飲聚博鬪鷄走狗夜集曉散以及履歷不明踪跡可疑者皆立爲糾舉不許暫容甲內其荒原古廟鬧肆叢祠尤易藏奸更宜加謹防察至汛地兵丁務必晝夜巡邏一體查詰毋借端生事毋挾仇陷害毋受賄賂而徇縱毋惜情面而姑容協力同心輪流分派則盜賊無容身之地軍民享安靜之樂矣查昔人禦盜之法村置一樓樓設一鼓一家有失擊鼓爲號羣起而守其要害盜賊將安所逃所謂寓兵法於保甲中也若夫江海出沒之區有未可以保甲行者舟楫往來烙號聯踪彼此互相稽查匪類亦難藏匿皆在實心奉行先事而爲之備若視爲具文怠忽從事至於被盜者失財連坐者受累不惟負朕息盜安民之至意亦甚非爾等保身保家之良策也

聖諭第十六條

解讐忿以重身命

朕惟人道莫大於守身民之有身所以務本力田養父母而畜妻子兵之有身所以嫻習技勇資悍衛以報朝廷身

爲有用之身則皆當自愛乃生人氣質之偏不能變化往
往血氣用事至一發而不可遏激怒崇朝竟成莫解互相
報復兩敗俱傷其起甚微而爲害甚大不念爰書抵罪一
定之律雖國家法網甚寬亦不能爲殺人者施法外之仁

聖祖仁皇帝訓諭十六條而終之以重身命誠哀矜惻之至意
也夫天地以好生爲心而憫憫之倫不自顧惜人君以愛
養爲政而蚩蚩之衆每至輕生非釁起於夙昔之仇卽禍
生於一朝之忿強者恃膂力之剛殺人亡命弱者希抵賞
之罪赴水投繯忿以成仇仇而益忿原其致此之由固非
一端而兵民所易犯者尤多於縱酒蓋酒之爲物能亂人

聖諭廣訓

咸甯縣志

廿七

心志使失其故常或賓主酬酢始以合歡而俱入醉鄉則
一言不合至操刀而相向或睚眦之怨本可冰釋及酒酣
耳熱則一發難忍若不共之深仇每見刑曹命案相傷於
酒後者十有五六噫置身縲紲家破人亡甚至累及妻孥
禍延鄉黨而後拊心自悼悔何及矣自今以往皆當敬聆
聖諭時時提醒思仇與身孰重母追既往之仇而昧將來之患思

忿與命孰輕母快目前之忿而貽事後之悔縱人或以非
禮相加似難含忍然一念夫身命攸關則從父兄訓誨聽
親友調和無不情恕理遣至酒之爲害尤宜深戒古之人
旣立之監或佐之史蓋惟恐載號載呶亂籩豆而起爭端

也其可沉湎荒腆致陷身於刑戮乎語有之忍之斯須乃全爾軀故解去仇忿則全身保家之道胥在於此養其和平消其亢戾不待排難解紛而凌競之習自然悉化何其風之醅也孔子曰忿思難孟子謂橫逆猶是此亦妄人也已矣聖賢之遺訓與

聖祖仁皇帝之明諭固千古同揆也凡爾兵民凜遵毋忽則閭閻相保營伍相安下以承家上以報國優游盛世共躋仁壽之域非解仇忿之明效與

咸甯舊徵誌檄

維咸楚淦名區縣分翼軫武昌屬郡地接江蒲金城鞏乎
四鄉延袤亘以百里其間山川秀躍人物祥符蘋溪傳北
海之雄文潛石留稚川之仙籍山名相嶺人傑由於地靈
水號帶河脅流夾乎腋瀦眺梅坡而念丹陽懿範步書臺
而仰文簡元風至若孟機之清憲忠定之諫垣雲漢爲昭
日星共耀緬懷往蹟幸際今休然玉麗山輝珠溜川媚必
紀載資於博物方著作協夫同文獨念革故伊邇稽古維
艱卽家有藏書未免苔封綠字及匱湮方策奚由雲護金
滕欲校圖章之罔闕實求文獻以可徵用詢故老傳聞無

咸甯縣志

卷首 舊序

一

嫌夫珠遺滄海確拔先民典則祈合夫日燦中天藉是搜
羅必悉庶幾考核宜詳韜民牧攸寄邑宰是司技慚刻鵞
才愧雕蟲適承 憲輯

王會之圖特飭郡守方輿之志采故本以續新筌於今爲烈
索前徵以彰軼事曠古莫違時移而物未改作述恒關聖
明古往而今自來守待應分先後雖方言野史明若著占
卽家乘稗官燎如犀照凡我先達士夫崇文碩逸世代藏
優柱秘不妨示我考求前人給有囊珍尤望資予采緝先
型是式後學有徵夫金山淦水之區皆人文淵藪而鐘臺
掛榜之地盡理學宗工注望同人欣懷共事咸標繡虎之

心裁各擅雕龍之巧莖冰紋製錦用能藻繪於縹緗玉屑
分礪豈徒工飭於鉛槧法太青之紀事石室堪傳倣文毅
之遺書瑯函特勅釋疑存信考古卽以證今就簡芟繁維
風直能訓俗方物旣多載乘太史具有明徵惟冀士林之
編纂上備

彤瑄之撰修敢布名卿聿勦盛典

峕

康熙乙巳四年季秋月

咸甯令何廷韜識

咸甯縣志舊序

夫居今而卓然具千古之識能斷然衡千古之事者誠賴

咸甯縣志

卷

舊序

二

文有傳事獻有傳人也文獻傳而故典備故典備而一代
之史彰矣史以實錄傳世

國書也國書之成成於郡邑之誌夫邑統於郡郡統於省省

統於

京師斯大一統者

聖天子車書全盛之模而守庶邦者牧伯師尹宣化中外之職
也則自省郡而下凡屬邑之隸在附庸者其於誌書不可
不詳具焉故一邑之誌一邑之書也所係者重必參以野
史方言之紀載故老隱碩之傳聞輯而爲書徵信也信則
公公則於邑爲誌於

國爲史誌之與史不其相表裏乎韜於甲辰秋九月奉命任咸事方兢兢飲冰茹蘖脩政和民與咸之薦紳士庶相安於忠孝廉義風土產物之常甫及一朞而一邑之中庶務交脩百廢具舉習於農者樂其田疇習於教者澤以詩書韜得持其以咸治咸者上報

聖天子此固宰職然也退食之暇取邑之往誌讀之覺宋元以前有傳人因有傳事惟明萬曆乙巳而後暨我重熙累洽之世凡六十餘年之事蹟畧焉未著韜采之司牧是可默默已乎夫十室雖小邑其間山川排設有自然之輿形也士習民風有自然之禮教也人官物曲有自然之輔相也

咸甯縣志

卷

舊序

三

至於戶口田賦又有自然之生聚自然之輻輳也守是土者本自然之心行自然之政則一邑自然之志胡不可博稽而纂輯焉韜心竊向慕之而仍未敢私附編瑄之役也適奉上臺飭續三楚全誌徵書於咸則向以纂輯爲心者今日且以纂輯視事矣韜方幸成其書執以上之太守樂觀郡史之明備也呈之方伯樂觀會典之藩宣也達之臺輔樂觀邦憲之屏翰也獻之

彤廷樂觀起居之著作館閣之編撰穆穆皇皇成

國朝一統之史乘也韜躬逢其盛慶何如耶由是殫思竭力

謀之載籍考之見聞得邑中薦紳先生及諸弟子員集議

公堂出其邑誌互相參校期於弗謬每錄一事必錄其事之信而無疑甄一人必甄其人之名而當實如前志之當因者因之非以蹈沿狗舊跡也前誌之未備者備之非以增飾炫新華也閱三旬而成編登之梨棗以示信從將前可以監往後可以彰來雖職方所掌其貢採固有成憲而都邑所記其參考俱係公評則咸之有誌無徒曰一邑之書也更可出而公於世以爲天下後世之書韜猶得俟諸有識者訂千古之同心焉

康熙乙巳

知咸甯縣事瀋陽何廷韜序

邑志舊序

咸甯縣志

卷

舊序

四

余栖遲咸學宮可謂星霜飽歷廡楹之下山川風土相習而深學數武面相山則執政當世故墟也遠挹乎蒼蒼鐘臺白望則北海父子書簾舊址也唐宋名公鉅卿留遺在目而元明兩代忠孝偉望猶其近觀抵掌諸士懷古盱衡未嘗不感慨夫邑志之詳而可攷也春秋百國各有書蕭何入關盡收圖籍丙吉東曹考業邊瑣由此觀之古人致治圖籍之功斷未容泯志可昔有而今無與僉云咸當江蒲地未割一鎮也元祐間始益以縣在宋元有志至明天順時獲學博伍君手更編輯洎司農孟公復續編於萬曆乙巳首尾百年賢有司得以居今知昔斟酌物產裁制壤

則相風土順天時志所由作也兵燹散佚留心者鮮余聞此方悵然才不逮伍君第願執鞭弭以俟君子之至斯也蓋六年於茲適值闕束何侯奉

簡書昨甲辰臨越今乙巳慨然首商邑志與予約徵邑髦士刻期續編積三月志成較詳於前乙巳備同於昔之伍君而相成此不朽者甚盛典也予坐卧廡楹日支頤相山博綜於唐宋元明之間俯仰於車書一統人文物產之麗庶無負此星霜云云例有序余不敏願僭以書諸左

康熙乙巳

咸甯縣儒學訓導胡珙撰

邑志舊序

咸甯縣志

卷

舊序

五

天文有分野地輿有疆域封建之制變爲郡縣其間或百里或數百里阻山距河語言物類懸殊不一豈非天地有自然之排設而隨時因革人特爲之輔相裁成者與山川之氣民物生焉有樸有僞有良有悍而土之肥瘠俗之善淫靡不隨氣化以相感非有廉明之吏與端謹之士夫以倡明教化維持風習則樸者順者皆不可恃以爲理而况望其有忠孝節義之士孕育而起者乎此人之所以與天地參也邑有人而邑治猶之國有人而國治天下有人而天下治也賢人者衆人之則也前人者後人之師也文獻不足邑典闕如其何以矩矱百世聞風興起也與此志之

不可已也咸志始於天順間學博臨川伍君勗之繼萬厯年間邑侯諱元炳王公領之而先達鄉先生養浩孟公纘緝成卷余生也晚不得覲其人復不得稽其籍滅沒數十年縱父老傳聞疑信相半其間士之仁者大夫之賢者愚夫愚婦之節烈名儒碩彥之理學才臣傑士之忠義勲名間不乏人而竟無傳焉主持風教誰之責與咸之民樸魯而耕耨故兵凶不至於走險咸之士懃謹而詩書故衿肘不及於城闕咸之宦溫儉而鮮驕侈故科名間作不敢爲墨吏所由然者星川之氣鍾之者和受之者正而又有良牧休養甄育于其間風純俗美殆斯人之力也甚矣志之

不可已也美而弗彰孰爲之前盛而弗傳孰爲之後故千百年之聖踪賢跡四海九州之名山大川搜之輿圖燦若列星而況在戶牖里巷之間乎邑之有志以彰前也以訓後也以示凡爲吏者不可不聚生齒而慎賦役而凡爲世祿者不可不尚忠孝而羞滯侷也此脩誌之義也余有意未逮卽授鄱令仕優則學竊自勉焉乃吾弟走書饒陽盛稱邑侯何公新任廉明而惠邑人感之以修輯咸志請序將不以簿書吏視予也而曷敢辭焉若夫著述之詳畧是非之眞贗三代遺直父老存焉去浮就實討古論今立不朽之言昭垂典則所望諸君子敬敏以勸厥成矣

康熙乙巳四年

賜同進士出身江西鄱陽縣知縣

邑人鄭邦相序

邑志舊序

洪濛旣闢清甯位分岳瀆之精上應列宿星野之區下配八極條理燦著邃古而然矣載籍以來九州形制詳於禹貢十五國風備於魯詩繼此而方輿山海之經三都兩京之作人物風土之記紛然雜出故以域中之大赤縣神州而廣凡名山大川之阻距古聖前賢之出處珠璣百寶之興藏草木禽魚之方產靡不展卷燎然若揭日月而行中天矧閭里之近眉睫之間故典不彰文獻莫考往者湮滅

咸甯縣志

卷

舊序

七

來者無傳豈非士夫之責也耶甚矣邑不可一日無誌也何也一邑之志一邑之史也山川之美惡必書風俗之貞淫必書民情之悍樸必書戶口物產之繁簡必書忠孝廉節之行實必書名賢羽仙之遺蹟必書故蹟志可以觀風觀風可以知樂知樂可以察禮察禮可以考政於以寓勸懲而移風易俗在此也志所係豈微哉咸志始於宋元明天順中取而輯之者學博伍君福也萬曆中詳而編之者前邑侯元炳王公鄉先達養浩孟公也煨燼之餘廢缺無存三紀以來目不覩是書矣邑侯何公毅菴于治咸之明年遍索民間始得殘編命邑中諸君子續輯成書余適以

省覲來歸問叙於余余備員史館方學榻子雲日懷鉛提
槩向使者問外國事况先輩芳型景仰在望所樂睹也麗
藻遺文所樂讀也幽貞逸節所樂道而闡揚也附名不朽
復何辭焉夫後之視今亦猶今之視昔若覽是志者知所
興起教行而俗美士端而民純山川毓秀人文踵作使志
不以地重而以人重則李北海之高標馮文簡之芳模如
邑乘所紀者庶乎其不墜云

康熙丁未六年

賜進士出身內翰林宏文院檢討

邑人鄭之諶序

邑志舊序

咸甯縣志

卷

舊序

八

郡應垣也邑百里專城應宿也邑長令北宅南向坐奉君
令以臨民也君應極日東出躔十有二皇建而人民會歸
於極長令上應列宿一邑休徵戾氣罔不係於身而人民
會於長令豈常人任也前志謂咸初爲永安南唐割江夏
地而以咸甯名至宋元祐益以蒲圻地編十六里版圖田
賦歲入禹服武郡屬縣有九州有一咸壤地犬牙山可界
也界之水可界也界之遠而兩粵西蜀滇黔罔不取道於
咸而其繁疲時與會城等從來長令有負兼才有中人之
資有恩慈獨勝皆父母也下車日五方風土不同而山川
城社形勢戶口壤賦時代人物遠近所產不一左右豈堪

備顧問而父老子弟烏容源源備舉而進耶夫邑志以供覽也前志明天順間博士伍君屬草字漫漶板泐觸不可讀而於萬曆乙巳歲關中王侯舉與先達孟公商訂而復輯成全卷此萬曆乙巳夏也歲紀元會一週適關東何侯蒞咸之年亦以甲辰秋候將種而文吏也負洛陽賈誼之才仿終軍弱冠之姿道傍聚觀舉手加額相慶一望而知爲慈父母也夫不知侯孝友天植奉母隨任慈命是凜錫類之廣應格豚魚亡何索詢邑志鼎革後志湮滅斷簡侯於乙巳夏首徵禹於歸田山僻更進子衿十餘士於輻輳偃室時舉前王侯乙巳所輯今乙巳復廣而輯之殆有進

咸甯縣志

卷

舊序

九

焉矣侯論定卜吉大集資福立編志館公餘退食簡騎從短萬箭袍日一視事禹彰厥高深用告同軌自禹而外職編次蒐討分任各執一事事有不實不詳禹不敢筆凡編次蒐討微有未合諸友未嘗輒許也是志更有進焉不但叅之前乙巳邈而上伍君屬草以及元志更搜郡邑之備名公鉅卿山人韻士詩歌以雅以南以頌舍是無取焉不謂有進焉不可一體侯之誠切志其一端爾乃若三載異績自有

彤管書之可拭目以俟禹其渾汗屬草研墨成文

康熙乙巳四年

邑山人王禹錫序

咸誌舊序

聞之星目之垂昭諸古史覽物之槩寄在方聞攷咸邑舊誌明以來號差備矣明之季兵火流離典文散失以鄂淦風物人文之盛而載籍泯闕逸美弗彰君子缺焉璧操刀學割慙賦歸來徒勞興寐寔云有志而未逮也偶值當事者有脩釐三楚通誌之舉檄下於邑邑何公毅菴欣肩任之一日集諸紳士採諸名宿慨然詢其事於余以爲諸士倡璧又何知焉然遡厥前乙巳修志於今越六十年凡山川風俗戶口壤賦星紀災祥名宦人物與夫忠孝節義廉潔孤尚有闕名教者不論缺簡殘篇間吟一得悉得採取

而編錄之於焉廣搜旁覽分類成書而顯微闡幽小善必錄未一月而邑志成蓋以其耳目之所常覩記者共紀其事所聞所見必確必公不襲浮稱不爲溢說以是而詳達於上臺視誌曰善矣以是而質諸鄰封傳之四境亦皆曰庶乎可以有光於此典矣夫邑載家乘各具名山之勝流連觀覽仍同拱璧之珍後之採風茲土者一開卷而恍然見吾邑山川人物之盛見吾邑山川人物之盛而何侯撫字苦心其德業之遠及者千百載後如或親見璧亦藉是以與爲不朽何典之隆也語云莫爲之前雖美勿彰莫爲之後雖盛勿傳於是乎贈之以言卽不覺其欣幸之極

而忘其言之爲贅也以是爲序云

邑人陳璧序

咸志舊序

聞之墨子曰吾觀百國春秋蓋國不乏史云自秦罷侯置守令而郡邑之志與家國二史並垂國史善誣家乘善溢夫其經緯天地原本山川苞孕民物恩者不得譽而怨者無所修其郟則郡邑之志戛戛乎難矣今言史者徧寓內十室之邑靡不細袞爛焉而吾咸獨否天順間學博臨川伍君嘗剏爲之稱具草耳旋亦就剝蠲不復可句學士大夫橫經而闕八紘問以邑事莫置對也往予爲吾友義甫言古人尚友先自其鄉杞宋之事孔子慨焉若任邑乘闕

如何以令天下後世知有咸也義甫笑弗答居久之關中王侯進諸生知邑志湮佚狀爰謁義甫請焉義甫唯唯乃檢舊志什一益以耳目所覩計彙爲六卷踰月而告成事于是王侯殺青走使白下而屬叙於予予蹶然起曰吾志也而大夫成之耶居今之世志古之道所以自鏡也咸地褊小割江蒲東西偏而邑之蒞之以令尉董之以師儒一邑之山川民物天喬蠕動恠瑋之態具焉觀政則餘澤猶芬考德則高山在望嫩行徽言星列滿目迹其遺事想見其爲人無乃儻然而有企心而仰止思齊以庶幾昔人於今日則是編之大有造於咸也昔王仲宣記英雄欲以其

時重於古荆楚傳先賢欲以其地重於天下春秋云邁陵
陸已遷而二書之存猶若琬琰其色而傳之響子桓氏云
文章不朽誠非虛也矧一邑鉅典千秋鴻業賢師帥實執
牛耳而鄉之名卿偉人奉槃盂從之組繡其舌金石其指
以圖寫人紀明章天化爲萬世規有不美愛可傳流庥千
禩者乎不佞浮沈郎署匏繫白門末由搦管從義甫後效
千慮之一覩是編怲怲然心動焉夫自是而咸之人知有
其鄉與天下後世之知有咸也則是編在矣王侯諱元炳
陝之蒲城人義甫諱養浩邑人 前明邑人趙邦柱序

咸志舊序

咸甯縣志

卷

舊序

十二

咸故無志天順間博士伍君嘗屬草焉今百五十年矣磨
滅漫漶不復可識薦紳先生難言之萬曆甲辰關中王侯
來蒞咸甫下車卽詢邑志慨文獻之無徵毅然身肩其任
而以載筆屬予予最欸啟乏三長不嫻於史顧以邑人習
邑事義不得辭也乃稍檢舊志叅之楚史證以老更所誦
說彙爲六卷各千萬言夫志郡邑之史也史以綜天下之
故而志以摭一隅之實皇華遣使周爰咨度太師陳詩觀
采風謠太史奏而記之以存往蹟鏡方來陳得失之林昭
懲勸之公志尤史之權輿胡可廢也咸地褊小才當子男
三之一又其建最後唐宋而上無聞焉孔子不云乎吾猶

及史之闕文也夫信信信也疑疑亦信也吾徵其信者而闕其疑焉故於宋元而畧也吾不敢誣也於明而獨詳也吾不敢佚也是故仰瞻天度俯察地宜形著於下象見於上精裨相摩氣類相召天人之際如鼓答桴無不應也熊繹受封子紅胙鄂罷侯置守分領併隸爲鎮爲縣詘伸代謝譬之奕棋不常所治我是以有星野方域之表山厚象仁川虛象智灑氣盤鬱烟光浩渺地紀人文其致一也王公設險與民守之乘輿濟人君子譏焉向明出治非壯麗無以示威興賢育才虞庠周雍不見異物而遷斯爲士矣我是以有山川城池津梁公署學校之籍厥土塗泥火耕

水耨嵒窳偷生民鮮積聚承流之使冠蓋相望置郵如綫疲於奔命我是以有田賦郵傳之紀法施於民以死勤事非此族也不在祀典聖哲之變仙釋間出緇衣黃冠其麗不億青牛白馬之談猶河漢而無極也我是以有壇祠之錄豈弟君子德音不遐召棠故址峴淚堪揮高山仰止典型猶存我思古人雖百世之上愾然如將見之矧生同其地者乎我是以有宦蹟名賢之傳惟鄉三物論定後官匹夫有善可得而舉也里選旣湮科貢斯闕射覆爭竒得雄者王士生斯世卽莘巖有側注進耳我是以有仕籍之考江漢化行莫不靜好柔嘉維則聖善之儀雖鉉堂旣闕而

彤管猶芬我是以有淑媛之述在則人亡則書識大識小
惟愛則傳媚竈諛墓之詞不足存也我是以有藝文之輯
孔子有言吾志在春秋彼隱桓之際則章定哀則微爲其
有所刺譏也夫褒諱挹損之文吾何敢知要以抉其幽微
正其譌舛芟其繁蕪增益其所未備闡前喆之清徽俟後
人之可信則知我罪我有斯志在矣夫王侯蒞咸未閱月
嚴保甲清積蠹諸善政且次第畢舉余拭目俟之而茲獨
先其大者是可以觀志云 前明修志邑人孟養浩序

舊志跋語

聖人受命其一代之星雲皆爲動色山川皆爲改觀民物皆

咸甯縣志

卷

舊序

十四

爲洗心滌慮故福祥以應人材以盛風俗以美登之野錄
則輝映瑤圖傳爲

國書則照耀簡策是以羅泌國名史乃稱路王充宣漢論始
爲衡古之君子處中輓之代猶思追美曩王無文獻之徵
尚欲網羅放失矧際

熙朝鼎新之日值賢侯虎炳之時薦紳先生揚鑣金馬譽髦
斯士振響雲璈鴻文在

國名彥在鄉而或者猶取往代之殘編以當 上臺之物色
無迺羞

朝廷而辱當世之士耶茲不佞所以讀斯志而喜喜斯志而

又讀也雖康樂和親之書有待而報忠孝節義之行有待而顯文章道德之士有待而興旂常鐘鼎之勛有待而成而

國家生聚教訓之仁與循良水火寬猛之義已具見於篇端矣福祥之應人材之盛風俗之美猗歟休哉由此其始也抑愚猶有進焉君子睹其應則必思其感喜其盛則必懼其衰嘉其美則必防其敝觀夫前乙巳之所編定與今乙巳之所增修六十年間滄桑倏易陵谷頓遷俯仰興廢感慨何極則凡所以正誼明道整躬率物反澆俗於純古者豈徒縣父母之任抑亦吾鄉諸君子之責也後之觀斯志者尚喟然而歎興矣乎是爲跋

康熙乙巳四年

邑恩貢士唐范瑛跋

舊修邑志姓氏

明天順志教諭伍 福修

明萬曆志知縣王元柄邑人孟養浩修

國朝康熙志

鑒定

知縣何廷韜

叅閱

訓導胡 珏

纂修

邑人鄭邦相 王禹錫

咸甯縣志

姓氏

十六

叅司

邑人鄭之諶 陳璧

按輯

邑人張 檄 唐范英

校閱

邑人王貴錫 闕 暉 沈建昌 李旭白

趙拱乾 錢有年 余希聖

邑人孫可儀 鄭邦命 季立楷 胡虞賓

孟應衡 孟佐盛 趙拱宸 李贊中

黃應元 孫瑞業 同校

重脩縣志序



古者列國皆有史官掌紀時事
至秦爰書建為郡縣志乘以作
之義例權輿於茲門班范而考
核則惟

大清一統志為窮精後之作者弗可
及也已咸邑志書創自前明天
順間續脩於萬厯間逮我

朝康熙六年邑毅菴何君渡釐訂
而蒐討之頗稱完善即今所稱

憲志也第二百年来兵燹摧殘
簡編剝蝕以待於補苴掇拾者
甚多怡於同治四年夏承之斯
篆辦理善後之暇接見耆人士
議脩志事深愜余懷良以有人

心而後以爲依有觀感而後以
人心况斯邑為聲明文物之區
顧望視然缺文跂幽光過鬱無
論非士大夫桑梓敬恭之誼抑
亦飛守土者維持風化之心也怡

爰竭心力以成其事並訪延名
宿登少正紳耆分任纂脩采访
稽量疆域分野辨疆域之沿革
表揚志士仁人之古節以及貞
媛烈婦之懿衷分三才而各為

一類加之藝田水利以興養道
學文章以興教條者備叙繼自
今人心風俗之觀或意在斯乎
意在斯乎至若山川名蹟博雅
士能言之固不必後讀查山陰水

竹頌梅坡鯉、然投蔭摘華吟
風嘯月也通因瓜代之期未遑
歲事始先錄其大旨尚希續成
新志者博采旁披以迄未逮是
則怡之厚幸也夫

昔同治五年丙寅季春

欽加知府銜即補同知權威甯縣篆

南漳知縣會稽心台氏陳怡撰



重修縣志序

士人讀書先四子六經次歷代綱目以及

大清一統志與廣輿記諸書皆宜備覽周知何則讀古書監古人也覽今書審今事也嘗有

皓首窮經文章自命一行作吏而未能措施裕如者泥古而不知準今也憶予生自江浙長於山左承先君子訓朝夕稽考以道光甲辰舉於鄉同治癸亥南宮報捷晉庶常

館越乙丑改職牧令丙寅三月奉

簡命來宰斯土欲悉民風先觀邑志乃知咸甯立縣最遲在宋元無書可考至前明天順臨川伍學博始纂輯以成書萬

歷間官紳王孟二人續修逮國朝康熙六年前賢何毅庵偕邑紳王禹錫又修距今二百年有奇雖有是書而藏之者鮮卽徵諸世胄間獲一二緘而編殘簡斷揣合殊難因嘆

邑志之修也亟甚况下車伊始正值

憲札催辦之時方惴惴然懼無以應命適有同年生陳君愚溪張君介農等編志稿呈政於予並懇予備文呈政於

上憲予於公暇逐句逐字詳閱細審見其星野輿圖學校建置與夫食貨秩官人物藝文諸類綱著爲八卷成十五條分縷晰詳不厭冗簡不病遺謂可以鐫已爰命召梓人

覓梨棗剗劂成書以備郡志
省志之採因以備

一統志之採至邑中山川之勝風
土之宜詩書科第之迭興忠
孝節義之競爽一開卷而朗
若列眉固不必贅以誇美之

詞焉是爲序

同治丙寅仲夏上浣

賜進士出身翰林院庶吉士知
湖北咸甯縣事

桐鄉沈寶枏粟香氏撰



重修邑志序

邑之有志原以載山川險要城郭溝池祠廟衙署戶口賦稅風尚土物人文科第以及忠孝節義並流寓釋道隱逸方技莫不條分縷晰用備郡志省志採擇以成一統志之盛予幼時讀書不出戶庭及應小試水陸所經見有挂榜銅鼓尖小龍潭蘋花溪潛山寺石洪溫泉等處聞皆志書所載也比入邑城東門見高樓屹立有指

稱曰此宋馮文簡公讀書臺舊址也又有鍾臺山聞係唐李北海讀書處石案卧榻尚存洞中予未得至其所此皆吾邑古來人傑之見於前史者意其文章事業邑志或能較詳且聞前明人才炳蔚仕官頗多迄我

朝國初自鄭野謀前輩晉詞館後竟有皓首窮經以得一賢書為難中間如張公異峯宗崑胡公理齋章皆以進士得官均未聞有談及邑乘者家大父北軒公藏書頗

富而獨無邑志詢之戚好亦鮮存此書是用耿耿道光
癸未予成進士由刑部郎官出使閩浙隨轉監察御史
升禮科給事中曾致書吾邑學博胡崑白璧華同年浼
其訪覓舊志商之同邑紳耆重新編纂終以經費無出
不果行其後予歷任內閣太常大理奉天府丞兼學政
復升左副都御史出使南河旋升刑部侍郎
欽差幫辦軍務忽被議遠戍西羌到配未久即蒙

恩起用還都今乃罷職歸來計筮仕四十年所歷地方往返
奔馳約三四萬里足迹幾半天下席不暇煖且值吾邑
屢經燹劫竊慮典籍淪亡不復能酬修志夙願也茲官
秀峯爵相制府以吾楚漸次肅清省志已成灰燼文憲
無稽諭前任方伯厲伯符札令各府州縣趕修志乘前
任邑侯羅液池先行倡捐並請兩學博偕邑紳剛議設
局興修事未舉而羅公忽因潰勇謀逆殉難續經陳邑

侯心台仍延原辦諸公力成此舉嗣陳交卸赴南漳新任沈公粟香實授前來相繼督修並將覓得舊志郵寄到省予反覆披讀始知邑志肇自前明天順中輯之者學博伍君也萬曆中詳而編之者邑侯王公與鄉先達養浩孟公也逮

國朝康熙乙巳歲邑侯何公毅菴與邑紳王公禹錫搽殘纂輯內翰鄭之謏撰序即今所存舊本也第閱歲已久

鼠耗蝨蝕紙頁破綻不免亥豕訛謬若不及早重加釐正將圖籍日就湮沒故老無存後雖有心欲再修舉必至無可徵信矣今諸君子合力同心肩任其事以舊志為程式攷訂詳核酌理衡情不參私見可因者因之缺者補之復旁摭博訪凡有關風化者徧採而登記之洵足信今而傳後俾邑之中有所觀感士食舊德農服先疇相與敦品力學樂業安居將見人才輩出於以黼黻

皇猷光我家

國而凡蒞茲邑者亦皆以循良相勸勉德教行而禮俗成
舉於斯志基之矣乃忽走倅肅函丐予一言列之簡端
予自維前以主講黃州河東書院時適值漢皋戒嚴吾
邑方在攷試以故不能赴局今春復受聘訂定江漢書
院掌教未遑懷鉛握槧與諸君子晨夕蒐討身在事外
掠取美名覩顏可愧然既承不棄譎陋屈指首及予會

逢其適遇茲盛舉近則伯仲諸君遠則繼伍孟諸先賢
之後並傳不朽不可謂非生平之幸云

雷以誠鶴皋氏謹撰



今修邑志姓氏

總裁

欽差大臣太子太保文華殿大學士兵部尚書文秀峯

太子少保頭品頂戴兵部侍郎湖北巡撫部院一等威毅伯曾國荃 沅浦

欽命翰林院侍講督學院加十級紀錄十次孫家鼐 鼎臣

主修

欽命湖廣湖北武昌等處承宣布政使司布政使何璟 小宋

欽命二品頂戴湖北等處提刑省驛傳事務唐際盛 蔭雲

欽加三品銜湖北全省督糧道紀錄十六次丁守存 心齊

欽加鹽運使銜兼管理湖北全省鹽法分十次盛康 旭人

咸甯縣志

姓氏

一

鑒定

欽加鹽運使銜湖北武昌府正堂加三二次黃昌輔 虎卿

武昌清軍同知

武昌糧捕通判

知府銜攝理咸甯縣事陳怡 心台

同治癸亥科翰林院庶吉士知咸甯縣事沈寶枏 粟香

道光辛丑科進士署咸甯縣事陳秉信 慶堂

奉札議修知咸甯縣事羅琳 液池

協議興修訓導周輝藻 春溪

總理采訪

教

諭

張

鼎梅丞

訓

導

夏應霖

兩入

督刊

典

史

陳

炳

吉生

纂修

以後均係邑人

前刑部左侍郎江漢書院山長邑人

雷以誠

鶴皋

道光甲辰科舉人前任天門縣教諭邑人陳國正

愚溪

協修

道光甲辰科副舉人候選直隸州州判邑人張應惇

介農

前任河南寶豐縣知縣

余光斗

印如

咸甯縣志

姓氏

二

候

選

訓

導

吳廷選

棣生

邑

優

廩

生

何運珍

聘臣

采訪

郡庠生盧允恭

邑庠生楊全恕

邑庠生幸大坤

邑庠生葉啟忠

邑廩生陳輿本

副舉人童文樞

邑廩生王汝霖

監生錢振聲

邑庠生周繼濂

邑庠生朱煥南

邑庠生方景山

武舉洪以芳

監生張寶鏞

邑庠生黃仁壽

邑廩生毛鴻儀

邑廩生樊鳳起

邑庠生石輝玉

邑庠生章兆奎

監生胡馨

邑庠生孫福田

邑庠生陳瑞麟

監 生施春華 邑庠生余作賓 監 生甘鶴林

郡廩生余逢吉 邑庠生余文品 監 生萬澄清

孝 廉江意揮 邑庠生辜黼臣 縣丞銜周承元

邑廩生周福元 邑庠生王道東 邑庠生夏錫疇

郡庠生袁定河 邑庠生蘇松濤 副舉人蔡文偉

邑庠生董鳴盛 邑庠生張庭輝 邑庠生程先民

邑庠生梅鳳鳴 邑增生陸寶文 郡庠生劉德馨

邑庠生鄭啟猷 邑庠生伍兆霖 邑庠生余華柏

校閱

國子監 上舍 邑人 張慎先 惕農

咸甯縣志 姓氏 三

邑 增生 劉之均 溥田

邑 庠生 張嗣先 喆生

邑 庠生 周命鈺 兩如

邑 文童 鄭緒洸 經四

邑武生朱楚英

繪圖 邑人闕增倫 振綱 并繕稿

經理刊刷樊川職員葉桂軒 丹五

今修邑志凡例

一倣舊如公署倉廩壇壝廟宇一切兵燹後率多頽廢猶必照舊志備錄者存古制也錄之而又必註明已廢者徵實事也

一增新自康熙乙巳至今二百餘年忠孝節義仕宦科甲旁搜徧訪隨類補註不敢遺亦不敢濫

一舊志有目無綱今謹倣江西奉新縣縣志分綱爲八諸目附焉俾閱者覩綱見目覩目見事開卷了然

一舊志有文無武今國家多故彼効力忘勞以博一官何可偏泯故撮其確而最顯者錄之以勸忠勇科甲則自進士以至武舉皆錄之以昭文武並重之意

一人物前賢照舊志備錄近今則憑各鄉採訪間亦竊附己之見聞或採訪所未及耳目所未周懿行嘉言不無滄海遺珠之憾

一志以志事而藝文亦附焉前志所有者照前志錄刊不擅爲去取亦不擅爲點竄前志所無者公同撮錄庶免繁冗鋪張之病

一循良傳人物傳均隨本人名下直註俾閱者見其名卽悉其事因其事益想其人

一凡採訪到局証以通志及鄉先輩家藏抄本有憑者註

入正類無據者另列補遺以備參考

一彙卷有以一類為一卷有以數類為一卷者挨次編輯
期免陵躐蒙混

一分行有用雙行者有用單行者註釋總期明晰初無成
見

一崇正除災祥仙釋外凡怪誕之事不經之談不敢攢入
流為惑世誣民之弊

一有疑必闕確信乃書附會游揚非所以昭鄭重也叅以
衆人之識斷以一理之歸務期實而有據信而不誣

目錄

咸甯縣志

目錄

五

疆域卷一

星野 輿圖 形勝 歷代沿革 井疆界街
鄉里 山川 湖瀦 泉洞 井街
鎮市 古蹟 墳墓 風俗 節序附

學校卷二

學制 樂教 樂生 廟制 祀儀 祭器 祭祠
祭品 樂章 樂器 舞譜 舞器 崇聖祠
崇祀 哲庶 祠節 鄉名 封爵 官舍 序贊 學基
匾文 氏節 賢宦 姓氏 官舍 學基
學田 書院 試院 附 小學 附

建置卷三

秩祀 津梁 城池 公署 鄉飲 舖舍 圍寺 弓箭局 附
坊 津梁 陂塘 郵傳 舖舍 圍寺 觀廟 附

食貨卷四

戶口 附 賦賑 漕運 雜稅 附 物產 郵政
倉廩 田賦 漕運 雜稅 附 物產 郵政

秩官卷五

官制 傳知 縣教 諭把 總訓 導
名宦 傳知 縣教 諭把 總訓 導

人物卷六

仕籍 甲科

人物卷七

鄉科 明經

人物卷八

武辟科舉
恩例監誥掾吏
應例
保舉
武職

人物卷九

列女

人物卷十

列女

人物卷十一

列女

藝文卷十二

記

藝文卷十三

記

序

銘

示

露布

詩

藝文卷十四

奏疏

詩章

雜志卷十五

災祥

紀事

仙釋

金石

補遺